



FALCO HORNE 5 MONEIKAN MIKIMO8IN

IKI KA MIKITAMO8ATC MONEIKANI, OBITOKA8A8AN OOMA OTENAN ACITC ANICINAPE8AKIN MISI8EKAMIK KITCI KI ATA8ANI8AK IIMA ANAMIK AKIKAK. KE OTINIKATEK

ROUYN-NORANDA ICI TAK8AN II8E MONEIKAN KA ONATCIKATEK MIKIMO8IN FALCO HORNE KA ICINIKATEK PEPEKAN KA INAIKISIS8ATC ASINIK KA NANATA8APAMA8ATCIN MISI8EKAMIK KITCI KI ATA8ANI8AK.

ECI KANA8APATAMO8ATC KA OK8API8ATC MIKIMO8INIK

MOCAM EKI INANOKI8ATC MONEIKANI MIKIMO8INI, Falco Ressources O KITCI APITENTANA8A KOBEK EKI ICI 8ETATAPIKICINO8ATC KE8INA8A ACITC OMOSA8ENTANA8A K8AIK KITCI MINOSENII8E *Project Horne 5* 8E8ENTA KITCI 8ITCI8ITINANI8AK 8ACAKAM A8IAKOK KA OTCI8ATC ACITC KA ICI ONAKISIK MIKIMO8IN K8AIK KITCI ICISEK.

EKO PECIK ANIKE NTA8IKINANI8AK KA ONATCIKATEK MONAIKE MIKIMO8IN

KA TESAPI8ATC Falco MIKIMO8INIK O8APATANA8A II8E KA ONATCIKATEK MIKIMO8INI ECKAM KITCI MINOKAPA8INANI8AK KITCI KI 8ITOKAKO8ATCIN KE ANIKE NTA8IKI8ATC A8IAKOK ECKAM KITCI CONIAKEMAKAKIN Rouyn-Noranda OTENA ACITC MISI8E 8ACAKAM APITIPI OTENAN ECKAM KITCI KI MINOKAPA8INANI8AK.

« KA8IN ETA MONEIKANI KITCI KI ONAKISITO8ATC OKICIKAPATASINA8A Falco ANOTAKANI KACKA, ANIC OKANA8APATANA8A KE8INA8A 8ACAKAM OTENAN KA TACIKE8ATC A8IAKOK KITCI ACITCI8INO8ATC KE8INA8A KITCI KI ONAKISITCIKATEK MONEIKAN. »

Luc Lessard, KA NIKANITC KA TESAPITC OO KA ONATCIKATEK MIKIMO8IN ACITC KITCI KACKA OCIIPIIKE8IKI8AM KA KICIKAPATAK.



8ECONEN E TAK8AK KITCI KI MINOSEK

- KICATC TAK8AN **MONEIKAN** 8ECKATC KA ICI ONAKISIK Horne MONEIKAN.
- 8ECKATC *Quemont* MONEIKAN **KICATC ONAKISITON MIKIMO8IKI8AMAN** KITCI KI ICI MIKIMONANI8AK.
- TAK8AN **KE ICI OK8ATEK ASINI 8EPINASON** 8ECKATC KA ICI TAK8AKIPAN *Norbec* MONEIKAN.
- TAK8AN **APATCITA8IN KITCI IPITEK** KA OTCI MIKIMAKANI8I8ATC PI8APIKO ASINIK PINICI KE ICI ACO8I ASAKANI8I8ATC ASINIK EKA KA APATISI8ATC,


APITC ICK8ATANI8AK KAKINA INI KE ICI MIKIMONANI8AK KATA KOKI 8A8ECITCIKATE AKI 8ECKATC ECINAK8AKIPAN KITCI INAMINAK8AK.

MAIA NOKOM MINO ICISE KITCI OCITCIKATEK

- KITCI KITAPATISI8AK NOKOM SOMANIKE PI8APIK (cooper) ACITC 8APAPIK (zinc) KITCI OCITCIKATEKIN INIMIKI ONAKICI8APIKON, ACITC KOTAK, EKA 8AK8IKAK KITCI ICIEPASIK MATCI NESE8IN.
- TETAKO KITCI MINOSI8AK MIKIMO8INIK ACITC MISI8EKAMIK KIKENIMAKANI8I8AK KA OTINIKATEKIN APATCITA8INAN KA KICPINATCIKATEKIN.
- KICATC KA TACI TAK8AKIN MIKIMO8IKI8AMAN KACKITCIKATE8AN KITCI 8A8ECITCIKATEKIN MAIA 8A INAPATAKIN KITCI ICINAK8AKIN ACITC NAPI APATANON BECKATC KA ICI MIKIMONANI8AKIPAN MECKOTC ACITC KATA 8A8ECITCIKATE AKI ICK8ATANI8AK.
- SOMANIKE PI8APIK 8ETI *Fonderie Horne* KATA ICIBITCIKATE MITAC NA8ATC PAKI KATA ICAMAKAN 8AK8IKAK MATCI NESE8IN KA OPAPATEK EKA KITCI PITCIPONISEK KIT AKIMINAN OTCI.

MI IKI8E Horne 5 KE NIKANISI8ATC (#1) MA8ATCI MANE INIKIK SOMANIKE PI8APIK KA ICI OCITCIKATEK OOMA KOBEK AKI.


MEK8ATC 15 PIPON INIKIK KE TACI8IMAKAK MONEIKAN, MI OO INIKIK PEPAKAN PI8APIKON KE OCITEKIN IIMA Falco Horne 5 :



3,3 M OZ



247 M LB



27, 3 M OZ



1 190 M LB

PAKAN ANI TOTCIKATE NOKOM E MIKIMONANI8AK

- NOKOM PAKAN ANI INAKAMIKISINANI8AN, NA8ATC NOKOM KA OCKI ICINAK8AKIN APATCITA8INAN APATANON, TAPICKOTC TIPINA8E KA OCKI ICINAKWAKIN KA MIKIMOMAKAKIN MANTO8APIKON INAPATCITA8INAN, KETCINATC 8E8ENTA KITCI KI ICINAK8AK KA8I OCITCIKATEK.
- KITCI 8APATCIKATEK E ANI PAKANAK8AK NOKOM APITC KEKON OCITCIKATEK APITC MIKIMO8IN OCITCIKATEK, E MIK8ENTCIKATEC K8AIAK KITCI INAKAMIKISINANI8AK ACITC KITCI ACITCI8INO8ATC PECOTC OTENAN A8IAKOK ACITC ANICINAPEN MAMA8 KE8INA8A KITCI ACITAKONAKANI8I8ATC APITC KEKON 8I MIKITCIKATEK.



AKI KAPE MIK8ENTCIKATE APITC TASIN KOTC KEKON ONAC8ANI8AK

- KAPENA MIK8ENTCIKATE – EKA KITCI MIC8AKANITCIKATEK AKI – KITCI ATCI8ISEK INIKIK KE 8ANATCITCIKATEK KEKON – KITCI 8A8ECITCIKATEK ICK8A MIKITCIKATEK KEKON.
- PAKAN KAK8E MINO MIKIMONANI8AN ACITC ECKAM KAK8E MINO INAKAMIKISINANI8AN ANI8AK KITCI MINOSINANI8AK.
- NA8ATC KAK8E MANATCITCIKATE AKI NITAM E KAK8E APATCITCIKATEKIN BECKATC ACA KA ICI MONEIKANI8AK KITCI ICI MIKIMONANI8AK.
- NA8ATC SOKI MIKITCIKATE ACITC MIK8ENTCIKATE SOKA KITCI MANATCITCIKATEK NESE8IN ACITC NIPi.
- ATCI8INIKATE KEKON KA 8ICTATENTAK8AK ACITC NAKATCITCIKATE KAKINA KITCI MINO MIKIMOMAKAK KEKON, TAPICKOTC EKA OSAM KITCI KICIBETOMAKAK ACITC EKA KITCI OSAM KOCKOSEK AKI.
- KITCI MINOPITCIKATEKIN KE ICITANIWAK ACITC KA ONATCIKATEKIN MIKIMOWINAN KITCI KI MANATCITCIKATEK AKI KEKON KA ICI PIMATISIMAKAK.
- KOKI APATANON MIKIMO8IKI8AMAN ACA KICATC KA TAK8AKIN ACITC 8A8ECITCIKATE KA ICI MIC8AKANITCIKATEK AKI.

« 8EKENON KOTC INAKAMIKISINANI8AK APITC AKI ICI MIKIMONANI8AK, KAPE PANIMA KI MIK8ENTCIKATEK EKA KITCI OSAM APATCITO8AN. ».

Hélène Cartier, KA ICPIKATC EKI KIKINOAMASOTC, KA TESAPITC AKI MIKIMO8INI, KIN8EC KITCI TACI

1000 000 000\$ TAS8APIK INIKIK CONIA KI ASAKANIBI

- ECKAM KITCI ANI OCKI OCITCIKATEKIN MIKIMO8INAN, NA8ATC A8IAKOK KITCI MINO CONIAKANIBAK, KITCI SOKIKAPA8IMAKAK MONEIKANI MIKIMO8IN ACITC A8IAKOK OOMA APITIPI MA8ASAK KITCI MINO BITOKATINANIBAK.
- KITCI KACKI CONIAKE8ATC A8IAKOK ACITC PEPAKAN MIKIMO8IN KITCI OCITEKIN
- ACA NAK8AN NOKOM E8I MINO CONIAKANIBAK Rouyn-Noranda OTENA.



25 000 000\$ TAS8APIK INIKIK ACA KI ASAKANIBI KITCI

MICATCIKATEK *La Source-Polymétier* KIKINOAMATI8IKI8AM, KITCI ATCIKEMAKAK *Ateliers Manutex* ACITC KITCI OCITCIKATEK KE ICI CECA8INANIBAK *Terrains multisports St-Luc* KA ICINIKATEK.



PECOTC ICI TAK8AN MIKIMO8IN NA8ATC KITCI MINO PIMATISINANIBAK

- 500 INIKIK MIKIMO8INAN TAK8ANON PECOTC TACIKE8IKI8AMIAKAK.
- OTAPAN, CACACAKI8ITAPAN, KA TESAKONEPITEK, 8IPATC KIT OTISAK KI PECIKOTENAMAK ACITC KI 8ITCIBAKANAK!

8ITOKA8AKANIBI8AK PECOTC OTENAN ACITC ANICINAPE8AKIN


- EKA OSAM KITCI 8I MIC8AKANIBAK AKI ACITC A8IAKOK EKA KITCI 8I MATCISE8ATC MEK8ATC MIKITCIKATEK KA OCITCIKATEK MIKIMO8IN.
- KITCI 8ITOKAKANIBAK KITCI MINO PIMATISINANIBAK ACITC TAPICKOTC KITCI APITENIMAKANIBI8ATC A8IAKOK.
- KAPE K8AIAK KITCI AIAMIITINANIBAK ACITC KAPE KITCI TIPATCIMONANIBAK KEKONAN ENAKAMIAKAK.
- KITCI 8ITOKATCIKATEK KIKINOAMASO8IN, PEPAKAN ENAIAKISI8ATC A8IAKOK KITCI ACITCIBINO8ATC KITCI KI MIKIMO8ATC KE8INA8A.
- KATA MIK8ENTCIKATE8AN MEK8ATC MIKITCIKATEK, EKA MANE MEK8ATC NOKOM E ANOTAKANIAK ACITC EKA MANE TACIKA8IKI8AMAN E TAK8AKIN.
- KITCI PAPISISKENTCIKATEK ECI PIMATISI8ATC BACAKAM OTENAN ACITC ANICINAPE8AKIN.
- KETCINATC KITCI MIK8ENIMAKANIBI8ATC ANOTAKANAK KE ICI8EPISI8ATC OPIMATISI8AKAK ICK8A KIPISINIK MONEIKANI.
- MANE KITCI 8ITOKA8AKANIBI8ATC A8IAKOK NA8ATC KITCI MINO PIMATISI8ATC ACITC OTENAN KITCI KI CONIAKEMAKAKIN.

ANICINAPEK

Falco ANOTAKANI KACKA ONATA8ENIMA8AN ANICINAPEN KITCI NTOTA8ATCIN KEKON 8I IKITO8ATC ACITC KITCI MINO TACIKEMITINANIBAK, KE8INANA KITCI 8ITOKAKE8ATC NIKAN KE ANI MIKITCIKATEK MONEIKAN KA OCITCIKATEK MIKIMO8IN.



Falco MONEIKAN ANOTAKANAK, Rouyn-Noranda OTENA KA ICI MIKIMO8ATC



ROUYN-NORANDA KATA PAPA ICA8AK FALCO MIKIMO8INIK, KA ICI MA8ATCIITINANIBAK KONI KEKON INAKAMIAK OTENAKAK. INAPIK MOCAK KITCI TIPATCIMONANIBAK ANAPITC KE NAKOSIAK IIMA MANTO8APIKOKAK.

PICAOK KEKON

8I KIKENTAMEK, KITCI PI KAK8ET8EIEK KEKON 8I KIKENTAMEK, KITCI 8ITAMAKEIEK KINA8A ENENTAMEK ACITC KEKON 8I 8ITAMAKEIEK.



L'Espace Falco
157, avenue Principale,
Rouyn-Noranda
MEK8E OTENAK



OCKIKICIAK PINICI
TCIPAIAATIKOKICIAK
11 :00 TASO TIPAIAKANEAK
PINICI 16 :00 TASO
TIPAIAKATEAK

ABI AKOK 8ACAKAM KA TACIKE8ATC ACITC ANICINAPEK KI TIPATCIMO8AK ENENTAMO8ATC

ACA 95 INIKIK KI TAK8ANON NAKICKOTATI8INAN 2014 KITCI AKITASON AKONAK ACITC TAC KIAPATC NIKAN KATA TAK8ANON NAKICKOTATI8INAN !

ANI8AK 8I KIKENTAMAN KEKON, INAPIN IIMA MANTO8APIKOKAK : www.falcohorne5.ca



KATA 8APATAIKANIBAN MANTO8APIKOKAK, ENAMINAK8AK AKI MASINAIKANIAK ACITC KITCI KACKITO8AN KITCI MAMAKONAMAN ECI TAK8AKIN IN8EBINAN IIMA MANTO8APIKOKAK.



OCSIPIKANAN KITCI NAPO8ATAMANIN 8I KIKENTAMANIN KE ANI ICISEK NAKE ACITC IP8AMACI MATCITANI8AK KA ICI NTA KIKENTCIKATEKIN KEKONAN ACITC MANE KOTAK KEKONAN 8ITAMAKANIBAN.



E MASINATESEK NAK8AN KE ICINAK8AK KA OCITCIKATEK MIKIMO8IN



KEKONAN KA KAK8ETANI8AK ACITC ECI NAK8E8ACIAKANIBI8ATC ABI AKOK



ACITC ANI8AK MANE KEKONAN !

KEKIN 8ITCII8EN KITCI MIKITCIKATEK BAPE NTA KIKENTAMO MASINAIKAN, KA NTA KIKENTCIKATEK AKI KE ICIBEPISIMAKAK. NAKATCITON KITCI 8ITAMAKANIBAK ANAPITC KEKON KE ANI ICITANI8AK !